

Y Pwyllgor Deisebau

28 Medi 2017

Cais am wybodaeth

Diolch am eich cais, a ddaeth i law ar 5 Medi, pan wnaethoch ofyn:

O dan y Ddeddf Rhyddid Gwybodaeth, yr wyf yn gofyn am wybodaeth am yr holl gostau ariannol sy'n gysylltiedig ag ymchwiliad Pwyllgor Deisebau Cynulliad Cenedlaethol Cymru ynghylch mynediad i dir a dŵr rhwng 31 Mehefin 2007 ac 1 Mai 2009 gan gynnwys yr holl gostau cyfreithiol, digwyddiadau ymgysylltu â rhanddeiliaid, manylion lleoliadau a dyddiadau digwyddiadau o'r fath a dulliau o gasglu tystiolaeth. Gofynnaf am gopiau o'r holl ddogfennau sy'n ymwneud â chyfarfodydd randdeiliaid a'r Pwyllgor Deisebau, dyddiadau a lleoliadau'r cyfarfodydd, rhestr o'r rhai a oedd yn bresennol a'r cofnodion.

Mae ein hymateb i'ch cwestiynau i'w weld isod.

Cyhoeddodd y Pwyllgor Deisebau adroddiad (Ebrill 2009) ar [Fynediad ar hyd dŵr mewndirol](#) ('yr adroddiad') yn rhoi manylion y cyfarfodydd a gynhaliwyd i gasglu tystiolaeth ac ymgysylltu â rhanddeiliaid.

I grynhoi, y sesiynau tystiolaeth oedd:

- ymweliad ag Afon Teifi ar 9 Chwefror 2009 i gasglu gwybodaeth; a
- sesiwn dystiolaeth ffurfiol a gynhaliwyd yn Senedd yr Alban ar 2 Mawrth 2009 (ynghyd â thrawsgrifiad [gair am air](#)).

i. Costau ariannol cysylltiedig â'r ymchwiliad

Mae'r costau cysylltiedig â'r digwyddiadau ymgysylltu â rhanddeiliaid i'w gweld yn y tabl isod.

Eitem	Lleoliad	Cost
Costau teithio staff ac Aelodau'r Cynulliad	Gorllewin	£ 150.00

Bae Caerdydd
Caerdydd
CF99 1NA

Bae Caerdydd
Cardiff
CF99 1NA

Ffôn / Tel: 0300 200 6544
E-bost/Email: MynediadAtWybodaeth@Cynulliad.cymru
Assembly-AccessInformation@assembly.wales

Croesewir gohebiaeth yn y Gymraeg a'r Saesneg/We welcome correspondence in both English and Welsh

	Cymru	
Costau teithio a chynhaliath Staff ac Aelodau'r Cynulliad	Yr Alban	£1,283.39
Costau teithio a chynhaliath tystion	Yr Alban	£193.42
Cyfanswm		£1,626.81

Nid oedd unrhyw gostau cyfreithiol gan mai Gwasanaeth Cyfreithiol mewnol y Cynulliad oedd yn gyfrifol am roi cyngor cyfreithiol.

ii. Dulliau o gasglu tystiolaeth

Hoffwn dynnu'ch sylw at wybodaeth benodol sydd wedi'i chynnwys yn yr [adroddiad](#):

1. Paragraff 2 - yn crynhoi'r dull o gasglu tystiolaeth.
2. Paragraffau 4-23 - yn manylu ar y modd y casglwyd y dystiolaeth yn ystod yr ymweliad ag Afon Teifi.
3. Paragraffau 24-45 - yn manylu ar y modd y casglwyd tystiolaeth yn ystod y sesiwn dystiolaeth ffurfiol yn yr Alban (ynghyd â thrawsgrifiad [gair am air](#)).

iii. Cyfarfodydd pwyllgorau - dyddiadau, lleoliadau a'r rhai a oedd yn bresennol

Mae'r adroddiad yn cynnwys cofnod o'r ymweliad ag Afon Teifi ar 9 Chwefror i gasglu gwybodaeth (paragraffau 4-23), ynghyd â manylion y lleoliadau ac enwau'r rhai a oedd yn bresennol yn y cyfarfodydd hyn.

Mae manylion lleoliad y cyfarfod a gynhaliwyd yn Senedd yr Alban ar 2 Mawrth 2009, ynghyd ag enwau'r rhai a oedd yn bresennol, [i'w gweld ar wefan y Cynulliad](#).

Mae hyn, a'r holl dystiolaeth ysgrifenedig arall a gasglwyd, wedi'u cyhoeddi ar dudalennau gwe'r Pwyllgor Deisebau - [Ymchwiliad i fynediad ar hyd dŵr mewndirol](#).

Yn ogystal â chynnal yr ymchwiliad, trafododd y Pwyllgor Deisebau'r ddeiseb wreiddiol ar y dyddiadau canlynol:

- 24 Ebrill 2008
- 25 Mehefin 2008
- 6 Tachwedd 2008
- 4 Rhagfyr 2008
- 21 Ionawr 2009

- 2 Mawrth 2009
- 23 Mehefin 2009
- 13 Gorffennaf 2010

Mae papurau, cofnodion a thrawsgrifiadau'r cyfarfodydd hyn ar gael os ewch i'r [dudalen chwilio ar wefan y Cynulliad](#).

Ystyriwyd eich cais yn unol â'r egwyddorion a nodir yn y Cod Ymarfer ar Ganiatáu i'r Cyhoedd Wedd Gwybodaeth. Mae'r cod wedi'i gyhoeddi ar ein gwefan yn www.cynulliadcymru.org/cy/abthome/about_us-commission_assembly_administration/abt-foi/Pages/abt-foi-cop-pub.aspx Rhowch wybod imi os oes gennych unrhyw ymholiadau ynghylch yr ymateb hwn. Os credwch fod gennych achos dros gwyno, dilynwch y canllawiau ar ddiwedd y llythyr hwn.

Yn gywir

**Rheolwr Rhyddid Gwybodaeth
Cynulliad Cenedlaethol Cymru**

A oes gennych achos dros bryderu neu gwyno am yr ymateb i'ch cais am wybodaeth?

Os nad wyf wedi dilyn y Cod yn briodol yn eich barn chi neu os nad ydych yn credu fy mod wedi cadw at y gyfraith berthnasol, gallwch gwyno'n ffurfiol i Brif Weithredwr a Chlerc Cynulliad Cenedlaethol Cymru ym Mae Caerdydd. Mae egwyddorion trefn gwyno'r Cynulliad yn y Cod Ymarfer ar Gwynion ar gael ar ein gwefan yn <http://www.assembly.wales/cy/help/contact-the-assembly/con-complaint/Pages/con-complaint-procedure.aspx>. Rhowch wybod imi os hoffech gael copi caled.

Os nad ydych yn fodlon ar ganlyniad yr adolygiad mewnol, mae'r hawl gennych i wneud cais uniongyrchol i'r Comisiynydd Gwybodaeth am benderfyniad. Gallwch gysylltu â'r Comisiynydd Gwybodaeth drwy ddefnyddio'r cyfeiriad a ganlyn:

Information Commissioner's Office
Wycliffe House
Water Lane
Wilmslow
Cheshire
SK9 5AF